

07/04/1999

Pusat belum lulus pinjaman

KOTA BHARU, Selasa - Kerajaan Pusat belum meluluskan permohonan bantuan pinjaman mudah berjumlah RM600 juta kepada kerajaan Kelantan bagi tujuan membiayai program pemulihan bekalan air di negeri itu yang dilihat semakin meruncing.

Namun begitu, Kerajaan Pusat tidak menafikan menerima permohonan itu menerusi surat Menteri Besar, Datuk Nik Abdul Aziz Nik Mat dan kerajaan Kelantan kepada Perdana Menteri, Datuk Seri Dr Mahathir Mohamad yang dipersetujui pada prinsipnya.

Bagaimanapun, kelulusan pinjaman itu akan diberikan mengikut peraturan dan kaedah biasa yang sedia dalam dalam dasar Kerajaan Pusat dan Perbendaharaan.

Menteri Pembangunan Luar Bandar, Datuk Annuar Musa bagaimanapun memberi jaminan jika kerajaan Pas Kelantan boleh mematuhi peraturan yang ditetapkan, permohonan itu akan disalurkan.

Katanya, prinsip memberi pinjaman itu mengikut peraturan dan kaedah biasa tertakluk kepada rundingan lanjut dan terperinci dengan Perbendaharaan Malaysia.

(END)